

Les Plaies dou Monde¹.

Mss. 7218, 7615, 7633.

Rimer me covient de cest monde
Qui de tout bien se vuide & monde
Por ce que de tout bien se vuide
Diex foloit tistre & or desvuide ;
5 Par tens li ert faillie traime.
Savez porquoi nus ne l'entr'aime ?
Gent ne se vuelent entr'amer,
Qu'aus cuers des genz tant entre amer,
Cruauté, rancune & envie,
10 Qu'il n'est nus hom qui soit en vie
Qui ait talent d'autrui preu² fère,
S'en fefant n'i fet son afère.
N'i vaut riens parenz ne parente :
Povre parenz nus n'aparente ;
15 Mult est parenz & pou amis.
Nus n'i prent mès s'il n'i a mis³ :
Qui riches est la parenté ;
Mès povres hom n'a parent té,
S'il le tient plus d'une journée,
20 Qu'il ne plaingne la séjournée,
Qui auques a, li est amez,
Et qui n'a riens, l'est fols clamez.
Fols est clamez cil qui n'a rien ;
N'a pas vendu tout son mefrien,
25 Ainz en a .i. fou retenu.
N'est mès nus qui reveste nu,
Ainçois est partout la coustume
Qu'au defouz est chascuns le plume,
Et le gete-on en la longaingne ;
30 Por c'est cil fol qui ne gaaingne
Et qui ne garde son gaaing,
Qu'en povreté à grant mehaing.

¹ Cette pièce est un peu moins vigoureuse que celle qui suit. Les reproches qu'elle formule sont plus vagues et moins précis que ceux de *La Vie du monde*. Toutefois elle ne manque pas d'une certaine énergie générale assez pareille à celle de nos vieux sermonnaires, lorsqu'ils s'attaquent à tous les rangs de la société. Par une exception honorable, Rutebeuf y ménage beaucoup les écoliers et les chevaliers. Il y fait même leur éloge, peut-être parce que ces deux classes d'auditeurs se montraient envers lui plus généreuses que les autres.

² *Preu*, profit.

³ Ms. 7633. VAR. N'uns n'at parens ni at mis.

Or avez la première plaie
De cest fièle for la gent laie.

35 La feconde n'est pas petite
Qui for la gent clergie est dite.
Fors escoliers, autre clergié
Sont tuit d'avarice vergié⁴.
Plus est bons clers qui plus est riches,
40 Et qui plus a l'est li plus chiches ;
Quar il a fet à son avoir
Hommage, ce vous faz savoir ;
Et puisqu'il n'est lires de lui,
Comment puet-il aidier nului ?
45 Ce ne puet estre : ce me samble
Que plus amasse & plus assamble
Et plus li plest à regarder.
Si se leroit ainfois larder
Que l'en en péust bonté trère,
50 S'on ne li fet à force fère ;
Ainz lest bien aler & venir
Les povres Dieu sanz souvenir.
Toz jors aquiert jusqu'à la mort ;
Mès quant la mort à lui l'amort,
55 Que la mort vient qui le veut mordre,
Qui de riens n'en fait à remordre,
Si ne li lest pas délivrer.
A autrui li covient livrer
Ce qu'il a gardé longuement,
60 Et il muert li soudainement
C'on ne veut croire qu'il soit mors ;

⁴ L'auteur de *Renart le Nouvel* adresse à peu près les mêmes reproches au clergé (édition du *Renart* de Méon, tome IV, page 429) :

. . . . Hélas ! clergés, que respodrés
Au grant jour quant vous i venrés
Devant la face Jhésu-Cris,
K'en fen lieu vous a ça jus mis
Por bien dire & por miex ouvrer
Et por nous avoec lui mener ?
Escufés ne vos porés mie,
Car il vera vos félaunie
De convoitise & d'avarice
Et d'escarfeté, ce let visce,
D'orguel & de ghille & d'envie
. . . . vous avez tuit pascience
Estroite & large conscience,
Dont je di qu'elstes ocoifons
De tous les maus que nous faifons, &c.

Mors est-il com vils & com ors,
 Et com ers à autrui chaté ;
 Or a ce qu'il a achaté.
 65 Son testament ont en lien
 Ou archediacre ou dien⁵,
 Ou autre qui font li acointe,
 Si n'en part puis ne chiez⁶ ne pointe :
 Se gent d'ordre l'ont entre mains,
 70 Et il en donent (c'est le mains),
 S'en donent por ce c'on le fache,
 Xx. paire de follers de vache
 Qui ne lor coustent que .xx. fols :
 Or est cil sauvés & affous⁷ !
 75 S'il a bien fet, lors li le trueve,
 Que dès lors est-il en l'esprueve !
 Leffiez-le, ne vous en foviegne ;
 S'il a bien fet, bien l'en coviegne.
 Avoir de lonc tens amaffé
 80 Ne véiftes li toft passé,
 Quar li maufez fa part en ofte
 Por ce qu'il a celui à ofte.
 Cil font parent qu'au partir pèrent :
 Les laffes âmes le compèrent
 85 Qui en reçoivent la justice
 Et li cors au jor du juife :
 Avoir à clers, toifon⁸ à chien,
 Ne puéent pas venir à bien.

 Tout plainement droit escolier
 90 Ont plus de paine que colier
 Quant il font en estrange terre,
 Por pris & por honor conquerre
 Et por honorer cors & âme,
 S'il n'en fovient homme ne fame.
 95 S'on lor envoie, c'est trop pou :
 Il leur fovient plus de faint Pou⁹
 Que d'apoftre de paradis ;
 Quar ils n'ont mie .x. & .x...
 Les mars d'or ne les mars d'argent :

⁵ Ms. 7633. VAR. doyen.

⁶ Ms. 7633. VAR. chief.

⁷ Tout ce passage est une critique amère de ceux qui en mourant laissaient les ordres religieux pour exécuteurs testamentaires, et de la manière dont ceux-ci s'acquittaient de leur mission.

⁸ Ms. 7633. VAR. teiffon.

⁹ Saint Paul. (Voyez pour cette locution la note de la dernière strophe de *La Povretei Rutebeuf*.)

100 En dangier font d'eftrange gent.
Cels pris, cels aim, & je li doi ;
Cels doit l'en bien monftrer au doi,
Qu'il font el fiècle cler semé :
Si doivent eftre miex amé.

105 Chevalerie eft fi grant chofe,
Que la tierce plaie n'en ofe
Parler qu'ainfi com par defors ;
Car tout auffi comme li ors
Eft li mieudres métaus c'on truiſe,
110 Eft-ce li puis là où l'en puife
Tout fens, tout bien & toute, honor :
Si eft droiz que je les honor ;
Mès tout auffi com draperie
Vaut mieux que ne fet freperie,
115 Valurent miex cil qui jà furent
De cels qui font & il li durent ;
Quar cis fiècles eft fi changiez
Que uns leus blans a toz mengiés
Les chevaliers loiaus & preus :
120 Por ce n'est mès li fiècles preus.

Expliciunt les Plaies du Monde.